

馮氏錦囊秘錄雜症大小合參卷十一

男 乾元龍田

海鹽馮兆張楚瞻甫纂輯 門人王崇志慎初仝較

男 乾亨禮齋

吐血 兒科

經曰營者水穀之精也調和於五臟灑陳於六腑乃能入於脉也生化於脾總統於心藏受於肝宣布於肺施泄於腎濡潤宣通靡不由此夫吐血者是營衛氣迎也經曰坎則有血者陽脉傷也夫心者血之主肺者氣之主氣主喘之血主濡之榮養百骸既濯筋脉榮衛相濟升降上下曰

然順適不失常道。若有一所信。疾斯作矣。或外干六淫。內因七情。氣乃留而不行。血乃壅而不濡。內外抑鬱。不能流注。是以熱極湧泄。寧無妄動之虞。鬱久奔升。難禦孟行之銳。血猶水也。決諸東則東流。決諸西則西流。氣之使血。其勢相然者耶。是以氣逆而血亦逆矣。且氣有餘便是火。火乘於血。得熱妄行。流溢無拘。上奔而爲吐血。也有因飲食太飽。胃寒不能消化。故吐所食之物。氣血相衝。因傷脾胃。亦令吐血者有之。然陽明主乎多血。若爲熱鬱內逼。在令妄行。故小兒吐血。屬胃者十有七八。更有尚在襁褓而吐血者。多由重懷煖閣。火氣薰迫。或過喫辛辣。流於乳絡。兒

飲之後停滯不散積溫成熱熱極上崩是以或吐或衄或下爲尿血者有矣若久嗽氣逆面目浮腫而嗽吐血者是肺虛損也隨症治之

辰膠散 治小兒吐下血

阿膠

炒

蛤粉

各一錢

辰砂

飛水

爲末用藕汁白蜜調服

又方 消瘀止血用藕節曬乾爲末人參白蜜同煎湯調服

犀角地黄湯 治血虛火盛吐衄妄行溺血便血

犀角

鎊末

生地黃

白芍藥

牡丹皮

各一錢五分

水煎去渣人犀角末服之如忿怒致血者加山梔柴胡

凡稟陰氣至純者莫過於犀角得濁陰下降者莫過於地黃白芍酸收丹皮清降涼血止血之要品瀉南實北

之神方也。因於怒者，氣必逆上，故加山梔以屈曲下行。肝喜疎泄，故加柴胡以達其本鬱。木用四味，獨名犀角。地黃者，所重在二味。白芍、丹皮，不過佐助耳。

當歸補血湯

治氣血虛熱面赤煩渴，脉大而虛。

黃耆

炙一兩

當歸

酒炒二錢

水煎空心服之

東垣曰：經云「脉虛血虛」，又云「血虛發熱」。此多得於饑飽勞役，症類白虎，惟脉不長實為辨耳。誤服白虎湯必死。黃芪乃甘溫補氣之劑，此本血虛，何反用之？為君耶？經曰：治病必求於本。又曰：陽生陰長，故血虛補氣治其本也。佐以當歸之潤，正與陰血相投，二物並行，則上下表裏無處不到，故各補血湯。

雙荷散

治卒暴吐血

藕節

七箇

荷葉頂

七箇

同蜜搗細水煎去滓溫服

天冬湯

治思慮傷心吐血衄血

人參

錢五

遠志

去心甘草水煮

白芍藥

天門冬

去心麥門冬

黃耆

藕節

阿膠蛤粉炒

沒藥

當歸

生地黃

各二兩

甘草

錢五

每服四錢姜水煎溫服

方脈吐血咳血咯血唾血合參

經曰陽明厥逆喘咳身熱善驚衄吐血又曰大怒則形氣
絕而血菀於上又曰脾移熱於肝則爲驚衄胞移熱於膀胱
則癰而尿血又曰結陰者便血一升再結二升三結三
升夫血者生化於脾總統於心藏受於肝宣布於肺施泄
於腎灌溉一身目得之而能視耳得之而能聽手得之而
能攝掌得之而能握足得之而能步臟得之而能液腑得

之而能氣出入升降濡潤宜通。靡不由此也。飲食日滋。故能陽生陰長。取汁變化而赤。爲血注之於脉。充則實。少則瀦。生旺則諸經恃此長養。衰竭則百脉由此空虛。血盛則形盛。血弱則形衰。神靜則陰生。形役則陽亢。故血者難成而易虧。失調則變生於反掌。火載則上行。挾溼則下行。爲病種種。妄行於上則吐衄。衰涸於中則虛勞。枯槁於外則消瘦。忘反於下則便紅。移熱膀胱則溺血。滲透腸間爲腸風。陰虛陽搏則爲崩中。溼蒸熱瘀則爲滯下。熱極腐化則爲臍血。火極似水。血多紫黑。熱勝於陰則爲紫瘍。溼滯於血則爲癰疹。凝瀦於皮膚則爲冷痺。畜之在上則爲忘畜。

之在下則爲狂跌撲損傷則瘀血內聚血行清道出於鼻
血行濁道出於口咳血衄血出於肺嘔血出於肝吐血出
於胃痰涎血出於脾咯血出於心唾血出於腎耳血曰衄
二鼻血曰衄膚血曰血汗口鼻俱出曰腦衄九竅俱出曰
大衄便血清者屬營虛有熱濁者屬熱與溼色鮮者屬火
黑者火極血與泄物並下者屬有積或絡脉傷也尿血因
房勞過度陰虛火動營血妄行血色黑黯面色枯白尺脉
沉遲者此下元虛冷所謂陽虛陰必走也有嘔吐紫凝血
者原病式云此非冷凝由熱甚銷燥以爲稠濁熱甚則水
化制之故赤兼黑而紫也有汗血者由大喜傷心喜則氣

散血隨氣行也。下血先見血。後見便。爲近血。自大腸來。先有便。後見血。此遠血。自肺胃來。腸胃本無血。由氣虛腸薄。故血滲入而下出也。東垣曰。除傷寒家衄血外。凡雜病見血多貴其熱。血上行爲逆。其治難。下行爲順。其治易。故血上行或唾或嘔或吐。忽變而下行爲惡病者。吉兆也。丹溪曰。口鼻出血。皆是陽盛陰衰。有升無降。血隨氣上。越出小竅。法當補陰抑陽。氣降則血自歸經矣。有陽氣本虛。復爲寒涼傷之。以致肅殺之氣。色脉並見沉而不浮。尺小於寸。右弱於左。芤大而血黯者。用生脉散加肉桂一錢。熱附子一錢。甘草五分。繼以理中八味相須間服。喘嗽痰血皆爲

乎復故三因方云理中湯能止傷胃吐血以其方最理中
腕分別陰陽安足氣血凡患人果身受寒氣口食冷物邪
入血分血得冷而凝不歸經絡而妄行者其血必黑黯其
色必白而大其脉必微遲其身必清涼不用姜桂而用涼
血之劑殆矣

凡用藥者要認血來本原不可妄治以致變亂夫治血當
明血出何經不可槩曰吐血衄血多是火載血上錯經妄
行越出上竅過用寒涼夫火者無形之氣也非水可比安
能稱載蓋血隨氣行氣利則血循經氣逆則血亂氣有餘
即是火也實由氣逆而血妄行兼於火化因此爲甚經曰

怒則氣逆。甚則嘔血暴瘡。內逆肝肺相搏。血溢鼻口是也。又東垣曰。血妄行。上出於鼻口者。皆氣逆也。況血得寒則凝。得熱則行。見黑則止。迹此觀之。治血若不兼之調氣。而統以寒涼。是施則血不歸經。且爲寒所凝滯。雖暫止而復來也。且脾統諸血。寒涼傷脾。脾虛尤不能約束諸血。其變症可勝言哉。然調氣更莫如導火。火歸而氣自順矣。吐血者。營氣溢入濁道。留聚膈間。滿則吐血。名曰內衄。然先哲皆以爲熱。其因於寒者。理亦有之。何則。寒邪屬陰。樂血亦屬陰。風傷衛。寒傷榮。各從其類。人果身受寒邪。口食寒物。邪入血分。鬱遏內熱。無從發洩。血乃沸騰。在上則從

口而出在下則從便而出。若此者實病機之所有焉。得爲盡無也。但其血色之黑與吐血因熱極而反兼水化者。似茲則宜於脉證間求之。脉微遲而身清涼者寒也。洪數而身煩熱者熱也。寒則溫之熱則清之。治法大不同矣。若吐血發渴者名爲血渴。宜四物湯或十全大補湯。

凡內傷暴吐血不止或勞力過度其血妄行出如湧泉口

鼻皆流須臾不救急用人參一兩或二兩爲細末入飛羅

麪一錢新汲水調如稀糊不拘時啜服或用獨參湯亦可

古方純用補氣不入血藥何也蓋陽統乎陰血隨乎氣有形之血不能速生無形之氣所當急固令無形生出有形

也○若○有○真○陰○失○守○虛○陽○泛○上○亦○大○吐○血○又○須○入○味○地○黃○湯○
固○其○真○陰○以○引○火○歸○源○正○不○宜○別○人○參○及○火○既○引○之○而○歸○
矣○人○參○又○所○不○禁○陰○陽○不○可○不○辨○而○先○後○之○分○神○而○明○之○
存○乎○其○人○况○人○參○雖○謂○補○陽○乃○陽○中○之○陰○藥○若○與○白○朮○黃○
耆○同○用○峻○補○後○天○元○氣○之○陽○與○附○子○鹿○茸○同○用○大○補○先○天○
元○氣○之○陽○與○當○歸○地○黃○同○用○則○補○陽○中○之○陰○率○領○羣○陰○之○
藥○上○至○陽○中○之○陰○分○所○佐○一○異○功○用○便○殊○矣○

凡失血之後必大發熱名曰血虛發熱古方立當歸補血
湯用黃耆一兩當歸二錢名曰補血而以黃耆爲君陽旺
能生陰血也如丹溪於產後發熱用參耆歸芎黑姜以佐

之或問曰乾姜辛熱何以用之蓋姜味辛能引血藥入氣分而生新血况炒黑則止而不走若不明此理見其大熱六脉洪大而誤用發散之劑或以其象白虎湯症而誤用白虎立見危殆慎之哉

曹氏云吐血須煎乾姜甘草作湯與服或四物理中湯亦可如此無不愈者若服生地黃藕汁竹茹去生便遠仁齋直指云血遇熱則宣流故止血多用涼藥然有氣虛挾寒陰陽不相爲守榮氣虛散血亦錯行所謂陽虛陰必走耳外必有虛冷之狀法當溫中中溫則血自歸經絡可用理中湯加南木香或乾姜甘草湯其效甚著又有飲食傷胃

或胃虛不能傳化其氣逆上亦能吐衄木香理中湯甘草
乾姜湯最宜出血諸證每以胃藥收功切不可投以苦寒
之劑故曰實火之血順氣爲先虛火之血養正爲先氣果
自能攝血也

褚氏遺書云喉有竅咳血殺人腸有竅便血殺人便血猶
可治咳血不易醫喉不容物毫髮必咳血既滲人愈滲愈
咳愈咳愈滲飲溲溺者百不一死二言之服寒涼者百不一
的確生之論血雖陰類逼之者其陽和平翫陽和二字褚氏深
達陰陽之妙者矣時珍曰小便性溫不寒飲之入胃隨脾
之氣上歸於肺下通水道而入膀胱乃其舊路故能治肺

病引火下行其味鹹而走血故治血病但當乘熱卽飲則真氣尚存其行自速冷則惟有鹹寒之性而已若煉成秋石則真元之氣漸失不及童便遠矣

海藏云胸中聚集之殘火腹裏積久之太陰上下隔絕脉絡部分陰陽不通用苦熱以定於中使辛熱以行於外升以甘溫降以辛潤化嚴肅爲春溫愛凜冽爲和氣汗而愈也然餘毒土苴猶有存者周身陽和尚未泰然胸中微躁而思涼飲因食冷物服涼劑陽氣復消餘陰再作脉退而小弦細而遲激而爲衄血吐血者有之心肺受邪也下而爲便血溺血者有之腎肝受邪也三焦出血色紫不鮮此

重○脊○寒○濕○化○毒○凝○泣○水○穀○道○路○浸○潰○而○成○若○見○血○症○不○祥○
本○末○便○用○涼○折○變○適○生○矣○

黃○柏○知○母○既○所○禁○用○治○之○將○何○如○若○以○前○所○論○理○中○溫○中○
無○異○法○何○必○分○真○陰○真○陽○乎○殊○不○知○溫○中○者○理○中○焦○也○非○
下○焦○也○此○係○下○焦○兩○腎○中○先○天○之○真○氣○與○心○肺○脾○胃○後○天○
有○形○之○體○毫○不○相○干○且○乾○姜○甘○草○當○歸○等○藥○俱○入○不○到○腎○
經○惟○仲○景○八○味○腎○氣○丸○斯○爲○對○症○腎○中○一○水○一○火○地○黃○壯○
水○之○主○桂○附○益○火○之○原○水○火○既○濟○之○道○蓋○陰○虛○火○動○者○乃○
腎○中○寒○冷○龍○宮○無○可○安○之○穴○宅○不○得○已○而○遊○行○於○上○故○血○
亦○隨○火○而○妄○行○今○用○桂○附○二○味○純○陽○之○火○加○於○六○味○純○陰○